

法苑珠林卷第五十九謀謗之二 書九

大唐上都西明寺沙門釋道世字玄惲撰

宿障部第五略引十緣

孫陀利謗佛緣第一

奢弥跋謗佛緣第二

佛患頭痛緣第三

佛患骨節煩疼第四

佛患背痛緣第五

佛被木鏘刺腳緣第六

佛被提婆達擲石出血緣第七

佛被婆羅門女旃沙儻杆謗緣第八

佛食馬麥緣第九佛經苦行緣第十

孫陀利謗佛緣第一 興起行經云如來將五百羅漢常以月十五日於中說戒因舍利弗問佛十事舍利弗自從華座起立整服偏露右臂右膝跪坐向佛又手問世尊言世尊無事不見無事不聞無事不知世尊無比衆惡滅盡諸善普備一切衆生皆欲度之世尊

今故現有殘緣願佛自說使天人解以何因緣被孫陀利謗以何因緣被奢弥跋提謗及五百羅漢以何因緣世尊自患頭痛以何因緣世尊自患骨節疼痛以何因緣世尊自患背強以何因緣被木鏘刺腳以何因緣被調達破指出血以何因緣被多舌女人儻杆大衆來相誹謗以何因緣於毗蘭邑與五百比丘食其馬麥以何因緣在齋秘地苦行六年佛語舍利弗還服華座吾當爲汝說先因緣舍利弗即還復坐阿耨大龍王聞佛當說踊躍歡喜即爲佛作七寶交露蓋蓋中兩旃檀末香周遍無數諸天八部皆來詣佛作禮而立佛告舍利弗往昔過去波羅奈城有博戲人名曰淨眼時有婬女名曰鹿相端正姝好時淨眼語鹿相曰當詣園中共相娛樂女曰可余鹿相便歸莊嚴衣服即共嚴駕至園娛樂經於日夜淨眼貪心當然此女取其衣服復念然已當云何藏之時此園中有辟支佛名

樂無爲去其不遠伺乞食後埋其廬中持衣而去誰知我處念已煞埋平地如故乘車而去從餘門入城。余時國王名梵達國人不見鹿相逐徹國王王召群臣遍城求之不得往到園廬搜索得屍諸臣語無爲曰已行不淨乎爲復煞辟支默然不答如此至三不答

朱林五九
二

辟支便手腳著土此是先世因緣故衆臣便反縛辟支考打問辟樹神現半身語衆人曰汝莫考打此人衆臣曰何以不打神曰此無是法終不行非諸臣雖聞不肯聽用持誦王所王聞瞋恚勑諸臣等急縛驢駄打鼓遍巡出城南門將至樹下計牟針之責著卒頭極弓射之若不死者便破其頭諸臣受教國人皆怪或信不信衆人悲傷於時淨眼在破牆中藏聞衆人言盜視逐行見已念言此道人枉死念已走趣大衆並喚上官莫因煞此人是我熟耳願放道人縛我罪治諸官皆驚曰何能代他受罪即共解辟支便縛淨眼反縛

如前諸上官等皆向辟支佛作禮懺悔我等愚癡無故枉困道人當以大慈原赦我罪莫將來世受此重殃如是至三辟支不答辟支佛念不宜更復重入波羅奈城乞食我宜衆前取滅度耳便於衆前踊昇虛空於中往反坐卧住立作十八變一腰以下出煙腰以上出火二或腰以下出火腰以上出煙三或至腸出煙右脇出火四或左脇出火右脇出煙五腹前出煙背上出火六或腹前出火背上出煙七或腰以下出火腰以上出水八或腰以下出水腰以上出火九或左脇出水右脇出火十或左脇出火右脇出水十一或腹前出水背出火十二或腹前出火背上出水十三或左肩出水右肩出火十四或左肩出火右肩出水十五或兩肩出水或兩肩出火十六或舉身出煙十七或舉身出火十八或舉身出水即於空中燒身滅度於是大衆皆悲啼泣或有憐悔或有作札取其舍利於西衢

道起於偷婆諸官即將淨眼詣王華脚復以著土王忿依前煞之佛語舍利弗爾時淨眼者則我身是其鹿相女者今孫隨利是爾時梵達王者今執杖釋種是我於爾時由獮鹿相柱困辟支以是罪緣無數千歲墮在涅槃無數千歲墮在畜生無數千歲墮在餓鬼中爾時餘殃今雖作佛故獲此謗

奢彌跋謗佛緣第二

興起行經云佛告舍利弗過去久遠九十一劫是時有王名曰善說所造有一婆羅門名延如達好學廣博常教五百豪族童子復有一婆羅門名曰梵天大富饒財婦名淨音容貌第一性行和調無嫉妬心延如以梵天爲檀越其婦淨音供養延如四事無乏有一辟支佛名曰受學往到城內乞食偶至梵天門淨音見辟支佛衣服齊整行步徐審心甚歡喜即請供養自今已去常受我請即以美食滿鉢與之辟支受已升空七反迴旋飛還時

城內人見此神足舉國歡喜供養無厭淨音供養辟支日進侍延如達遂薄延如便興嫉妒誹謗之言此道人實無才德作不淨行遂告五百弟子曰此道人犯戒無精進行諸童子各歸家宣令曰此道人無有淨行與淨音交通國人咸疑神足如是有此穢聲耶聲經七季乃漸於後辟支現十八變取於滅度衆人乃知延如虛謗辟支佛佛語舍利弗爾時延如達者則我身是爾時梵天者今優填王者是爾時淨音者今奢彌跋是爾時五百童子者今五百羅漢是佛語舍利弗我於爾時因供養故便生嫉妬共汝誹謗辟支佛以是因書未竟

四
朱本末

緣共入地獄鍊湯煎煮無數千歲由是餘殃今雖得佛故與汝等有奢彌跋之誹也

佛患頭痛緣第三

興起行經云佛告舍利弗過去久遠世時於羅閱城中時出穀貴飢餓困苦人皆拾取白骨打煮飲汁掘百草根以續微命用一升金賀一升穀爾時羅閱

祇城有大才數百家名曰岐

九支反

越村東不

遠有池名曰多魚岐越村人將妻子詣多魚池捕魚食之捕魚著岸在陸而跳我於尔時爲小兒年適四歲見跳而喜時池中有兩種魚一名鰐一名多舌此自相語曰我等不犯人樣見然我後世當報佛語舍利弗尔時岐越村人男女大小者今迦羅越國諸釋種是尔時小兒者則我身是尔時鰐魚者毗樓勒王是尔時多舌魚者今王相師婆羅門名惡舌者是尔時魚跳我以小杖打魚頭以是因緣墮地獄中無數千歲今雖得佛由是殘緣故波毗樓勒王伐釋種時我得頭痛佛語舍利弗我初頭痛時語阿難曰以四斗鉢盛滿冷水來阿難如教持來以指挾額上汗滴入水中水即尋消猶如自然終日亦如炊空大金假一滴水水即煥然頭痛之熱其狀如是假令須弥山邊旁出亞岸一由延至自由延鎮我頭痛熱者尔當消盡

未參

五

佛患骨節煩惱緣第四

興起行經云佛告舍利弗往昔久遠世時於羅閱城中有一長者得熱病甚困其城中有一大醫子別識諸藥能治衆病長者子呼醫子曰爲我治病得愈吾大與卿財寶醫子即治長者病既差已後不報功長者於後復病

治差至三不報後復得病續喚治之醫子念日前已三治三差而不見報見欺如此我今治此當令大斷即便與非藥病遂增劇便致無常佛語舍利弗尔時醫子者則我身是尔時病子者今調達是我尔時與此非藥致令無常以是因緣於數千歲受地獄苦及畜生餓鬼之苦由是殘緣今雖得佛故有骨節煩惱病生也

佛患背病緣第五

興起行經云佛告舍利弗往昔久遠世時於羅閱城時大節日聚會時國中有兩姓力士一姓刹帝利種一姓婆羅門種時共相撲婆羅門語刹帝曰卿莫撲我我當大與卿錢寶

利帝便不盡力令其屈伏二人俱得皆受生賞於時婆羅門竟不報利帝到後節日復來相撲還復相求如前相許利帝復饒不撲得賞如上如是至三不報後節復會婆羅門重語利帝曰前後所許當一時併報利帝心念此人比數欺我既不報我又侵我分我今日當使其消死乃笑語曰卿誑我滿三今不用卿物便右手捺項左手捉袴腰兩手剗之挫折其脊如折甘蔗擎之三旋使衆人見然後撲地即死王及群目皆大歡喜賜金錢十萬佛語舍利弗爾時利帝者則我身是婆羅門者提婆達多是我於爾時以貪恚故撲殺力士以是因緣墮地獄中經數千歲今雖成佛諸漏已盡爾時殘緣今故有此脊痛之患也

佛被木鏘刺腳緣第六 與起行經云佛在羅閱祇竹園精舍與大比丘僧五百人俱晨旦著衣持鉢與五百比丘僧及阿難共八羅閱祇城乞食家家遍至見此里中有破剛木一

六

片木長尺二於佛前立佛便心念此是宿緣我自作是用當受之衆人聞見皆共聚觀大眾見之驚愕失聲佛復心念今當現償宿緣之報使衆人見信解殃對不敢造惡佛便踊在虛空去地一梁木鏘逐佛亦高一刃於佛前立佛復上二刃四刃乃至七刃將亦隨上七刃卅尊復上高一多羅鏘亦高一多羅佛復上乃至七多羅鏘亦隨上立於佛前佛復上高七里乃至上由延鏘亦隨之佛於空中化作青石厚六由延廣縱十二由延佛於上立鏘便穿石出在佛前立佛復於空中化作水廣十由延縱二由延深六由延於水上立鏘復過水於佛前立佛復空中化作大火縱廣十二由延高六由延於其焰上立鏘亦過焰至佛前立佛復空中化作旋風縱廣十二由延高六由延於風上立鏘從傍邊斜來趣佛前立佛復上至四天王宮如是展轉乃至梵天木鏘從三十三天以次來上乃至梵天於佛

前立諸天皆相謂曰佛畏此鏘捨走然鏘遂不置尔時世尊與梵天說自宿緣法從梵天還展轉還至羅閱城所遇諸天皆爲說宿緣法鏘亦隨從上下至羅閱城佛亦爲羅閱祇人說宿緣法佛與比丘僧出羅閱城鏘亦尋

言宋林五九

佛後國人盡逐佛出城佛問衆人汝等欲何

七

所至

衆人答曰欲隨如來看此因緣佛語衆

人各自還歸如來自知時節阿難問佛如來

何以遣衆人還佛語阿難若衆人見我賞此緣

者皆當墮死墮地阿難便默世尊即還竹園

僧伽藍自處已房剗諸比丘各自還房阿難即

問佛我當云何佛語阿難汝亦還房阿難即

還佛便心念是緣我甯自造必當償之即取

大衣四襲襞之還坐本座佛便展右足木鏘

便從足趺上下入徹過入地深六万八千由

延過地至水水深亦六万八千由延過水至

火火高六万八千由延至火乃燒當尔之時

地爲六反震動阿難諸比丘各自心念今此

地動其鏘必刺佛腳足也佛被瘞已苦痛酸疼阿難即至佛所見佛腳刺鏘瘞便死倒地佛以水灑阿難乃起起已禮佛足摩拭佛足嗚佛腳足啼泣墮淚佛以是腳行至樹下降魔上至三十三天爲母說法世尊金剛之身作何因緣爲木所害佛語阿難息止勿啼世間因緣輪轉生死有是苦患阿難問佛今者瘞痛增損何如佛語阿難漸有降損舍利弗及諸比丘來禮佛問答亦復如是佛語比丘且止莫啼我乃先世自造此緣要當受之無可逃避此對非父非母所作亦非天王沙門等作自造自受諸漏已盡得神通者各自默然惟往日曾所說偈曰

世人所作行或作善惡事此行還歸身終不朽敗亡時者婆阿闍世王等聞佛爲木鏘刺腳從床悶死墮地良久乃蘇舉宮驚怖王起啼泣剗諸臣曰速疾嚴駕欲至佛所諸臣受教即便嚴駕上車出城城內四姓宗族士女百千圍

遶佛至佛所佛右脇側臥王禮佛已手捉佛足摩杖口嗚世尊瘡痛寧有損不佛慰王已命王便坐王言我從如來所聞佛身金剛不壞今者何爲木鐸所刺耶佛告王曰一切諸法皆爲緣對我身雖是金剛非木鐸能壞此宿對所壞即說頌曰

朱林卷九八

各自見其行 行善得善報 行惡得惡報
是故大王當捨惡從善愚駢不學問未識真道者戲笑輕罪復當號泣不可以戲作罪後受大殃王語耆婆汝合好藥洗瘡呪治必令時瘥耆婆曰諾耆婆即便禮佛洗足安藥後續止痛耆婆出百千價疊用裹佛足以手摩足以口鳴之曰願佛老壽此患早除一切衆生長夜之苦亦得解脫即起禮佛於一函住佛於是爲王一切衆會說四諦法十比丘得漏盡意解萬一千人得法眼淨復有百千諸天展轉相告皆來慰佛說偈讚已禮佛而去佛語舍利弗往昔無數阿僧祇劫前有兩部

賈客各有五百人在波羅柰國各合資財嚴船度海乘風徑往即至寶渚渚上豐饒衣被飲食及妙采女種種龍寶無物不有一部賈客語衆人曰我等所求已獲今當住此以五欲自娛第二薩薄告其部衆不應於此久住是時空中有天女慈愍此輩便於空中語衆賈曰此間雖有財寶采女衣食不足久住却後七日此地皆當沒水語訖化去復有魔女欲使沒盡諫之不去前天所說水當沒此皆是虛妄不足可信說已化去第一薩薄不信天告樂住不去第二薩薄懼水不住却後七日如前天言水滿其地先嚴辦船未至之日書
朱林卷九

所將部衆即得上船第一薩薄先不嚴船水至之日與嚴治者著鋒持杖共相格戰第二薩薄以鎗牟刺第一薩薄脚徹過即使命終佛語舍利弗汝知第一薩薄者今提婆達是第二薩薄者則我身是尔時第一賈客衆五百人者則今提婆達五百弟子是尔時第二

賈客五百衆者則今五百羅漢是余時第一天女者則今舍利弗是余時第二天女者則今名滿月比丘婆羅弟子是佛語舍利弗我往昔作薩薄貪財分死度海與彼爭船以錢牟刺薩薄脚以是因緣無數千歲結地獄苦墮畜生中爲人所射無數千歲在餓鬼中蹈鐵針上今雖得金剛之身以是餘殃故今爲木槍所刺 又大乘方便經云昔舍衛城中有二十人皆是最後邊身彼二十人更有怨家二十人各各思惟我當爲作親友而至其舍奪其命根不向人說彼時四十人以佛神力故共至佛所如來余時爲調伏是四十人故於大衆中告大目犍連言今此大地出達羅刺欲刺吾左足未至足之間此法達羅刺即從地出長一肘當出之時目連白佛言我今當取此刺擲著他方世界佛告目連非汝所能此刺在地汝不能拔余時目連以大神力前拔此刺于時三千大千世界皆大震

動一切世界隨刺而舉而不能動乃至一毛余時世尊以神通力上四天王天彼此亦隨佛去如是展轉乃至梵天亦復如是余時如來從梵天還至闍浮提本所坐處刺亦遂還至此地中豎向如來余時如來即以右手捉刺左手安地右腳踰之余時三千大千世界皆大震動時尊者阿難向佛合掌而作是言世尊往昔作何等業得如是報佛告阿難我過去出入大海中持繖刺人斷其命根以此因緣得如此報善男子我說是業緣已彼二十怨賊欲害二十奢摩他思惟如來法王尚得如是惡業之報況我等輩不受此報是二十人即從座起頭面禮

朱林志光

佛作如是言我等所興惡念不敢覆藏我先惡心欲害被人今日向佛悔過不敢覆藏我先惡心欲害被人今重悔過不敢覆藏時二十人即得正解及四万人亦得正解是故如來示去達羅刺足是名如來方便佛被提婆達多擲石出血緣第七 與起行經云佛告舍利弗往昔

過去世時於羅閱城有長者名曰須檀大富
名饒財寶產業備足子名須摩提其父須檀
奄然命終摩提異母弟名修耶舍摩提心念
我當云何設計不與耶舍財分唯當殺之乃
得不與摩提語耶舍云大弟共詣耆闍崛山
上論說去來耶舍曰可余摩提即執弟手上
山將至絕高便推崖底以石培之便命絕佛
語舍利弗汝知余時長者須檀者則今父王
真淨是也命時子須摩提者則我身是弟修
耶舍者則今提婆達多是佛語舍利弗我於
時以貪財害弟以是罪故無數千歲在地獄
燒煮爲鐵山所培余時殘緣今雖得佛不能
免此宿對我於耆闍崛山經行爲提婆達舉
崖石長六丈廣三丈以擲佛頭山神名金墀
羅以手接石石邊小片迸躋中佛腳大拇指
即破血出 佛被婆羅門女旃沙儻杆謗佛
緣第八 興起行經云佛告舍利弗往昔阿
僧祇劫前有佛名盡勝如來有兩種比丘一

朱林五九

種名無勝一種名常歡無勝比丘得六神通
常歡比丘結使未除余時波羅奈城有長者
名大愛資財無極婦名善多端正無比兩種
比丘往來其家以爲檀越善多婦者供養無
勝比丘四事無乏常歡微薄因此妬嫉橫生
誹謗言無勝比丘與善多交通不以道法供
養自以恩愛供養耳佛語舍利弗余時常歡
比丘者則我身是善多婦者今婆羅門女名
旃沙是我於余時無故誹謗無勝羅漢以是
罪緣無數千歲墮在地獄受其苦痛言雖得佛
以餘殃故爲多舌童女儻杆起腹來至我前
曰沙門何以不自說家事乃說他事爲汝今
日獨自歡樂不知我苦汝先共我交通使我
有身今當歸月事須蘇油養於小兒盡當給我
余時衆會皆恆頭默然時釋提桓因侍後執
扇以神力化作鼠入其衣裏嚙於杆儻忽然
落地余時四部弟子及六師從衆見杆墮地
皆大歡喜揚聲稱慶欣笑無量皆同罵曰汝

死亦吹罪物何能興此惡意誹謗清淨無上
正真此地無知乃能容載如此惡物耶諸衆
各說是時地即劈裂火燄踊出便墮中徑至
阿鼻大泥犁中大衆見女現身墮泥犁中阿
闍世王便大驚恐衣毛爲豎即起叉手長跪
白言此女所隨今在何處佛答大王此女所

躋名阿鼻泥犁閻王復問此女不殺人亦不
偷盜妄語何因便墮阿鼻耶佛語閻王我所
說緣法有上中下身口意行間王復問何者
爲重何者爲中何者爲下佛語閻王意行最
重口行處中身行在下王復問佛佛答王曰
身行鹿現此事可見口行耳聞此二事者出
間聞見意行發念無見聞者此是內事衆行
爲意釘所繫縛如人欲行身三殺盜婬欲發
口之四過妄言綺語惡口兩舌先心計校然
後施行是故繫於意釘不在身口也於是世
尊即說偈曰 意中熟思惟 然後行二事
揚慙於身口 未曾愧心意 先當慙於意

書
朱林光

士

然後耻身口 此二不離身 亦不能獨行
於是阿闍世王聞佛說法啼泣悲感佛問王
曰何爲啼耶王答佛曰爲衆生無智不解三
事恒有折減是故悲耳此衆生等但爲身口
爲大不知意爲深奧如人殺生偷盜媱泆天
下盡見口行四事天下所聞意家三事非耳
所聞非眼所見是故衆生以眼見耳聞爲大
今佛說乃知心意爲大身口爲小以是故身
口二事繫於意釘如多舌女欲誹謗佛先心
思念當以繫杆起腹在大衆中說是誹事故
知意大身口小也佛言善哉善哉大王善解
此事常當學此意大身口小事說是法時八
千比丘漏盡意解二百比丘得阿那含道四
百比丘得斯陀含道八百比丘得須陀洹道
八万天人得法眼淨十万人及非人皆受五
戒二十萬鬼神受三自歸 又生經云尔時
世尊與千二百五十人俱入舍衛城欲詣波
斯匿王宮受請時有比丘尼名曰暴志以魁

繫腹似如懷姪因牽佛衣君爲我夫從得有
身不給衣食此事云何時諸大衆天人釋梵四
王諸天鬼神及國人民莫不驚惶佛爲一切三界之
尊其心清淨過於摩尼智慧之明超於日月獨步
三界無能逮者喻如虛空不可汙染佛心過彼無
有等侶此比丘尼既佛弟子云何懷惡欲譖如來

未詳十三

於是世尊見衆會心欲決疑仰瞻上方時天帝
釋尋時來下化作一鼠齒繫魁繩魁即墮地
衆會覩之瞋喜交集惟之所以時國王瞋此比
丘尼棄家遠業爲佛弟子既不能盡欲反懷姪
結謙大聖乎即勑掘地爲坑深欲倒埋時佛解喻
勿得尔也吾宿罪非獨彼殃乃往過去久遠世
時時有賈客賣好真珠數多圓好時有一女諳
欲買之有一男子遷蓋倍價獨得珠去女人不得
心懷瞋恨有從請看復不肯與心盛遂怒汝毀辱
我在在所生當報汝然所在毀辱悔無所及佛
告王等爾時買珠男子則我身是其女人者則暴
志屈是因彼懷恨所在生處常欲相謔佛說如是

衆會疑解莫不歡喜佛食馬麥緣第九
興起行經云佛告舍利弗過去久遠世時佛名
毗婆葉如來在槃頭摩跋城中王名槃頭與群
臣士女以四事供養如來及衆僧終已無乏尔時
城中有婆羅門名因提耆利博達梵志四韋陀典
籍亦知尼捷筭術及婆羅門戒教五百童子時王設
會先請佛及諸大衆僧佛默然許之王即還宮具饌
種種腆美及設床座氍毹能就辦具已畢王執香爐於
殿上長跪啓白今時已到唯願屈尊時毗婆葉佛見時已
至便勑大衆着衣持鉢當就王請大衆圍繞往詣王宮
就座而坐王即下食手自酬酌種種餚餚尔時有一
比丘名曰彌勒時病不行佛及大衆食已各還本
處遇梵志山王見食香美便興嫉妒意曰此髡頭
沙門正應食馬麥不應食此甘饌之供言諸童子
汝等見此髡頭道人食於甘美餚饌不諸童子
曰實見此等師主亦應但食馬麥佛語舍利弗汝
知尔時王山王婆羅門者則我身是尔時五百童
子今五百羅漢是尔時病比丘彌勒者今彌勒

菩薩是我於尔時以興嫉妬罵言不應食其甘
餚正食馬麥卿等亦云如是以是因緣我及卿
等經歷地獄無數千歲今雖成佛爾時殘緣我
及卿等於毗蘭邑故食馬麥九十日我於尔
時不言與佛馬麥但言與比丘以是故我今
得食擣麥人以卿等加言當與佛麥故今日

未盡九

十四

卿等食著皮麥耳又大乘方便經云以何
緣故如來及僧在婆羅門毗蘭若聚落三月
之中食馬麥耶佛言善男子我於昔時知此
婆羅門必捨初始請佛僧心不給飲食而故
往受請何以故爲彼五百馬故此五百馬先
世中已學菩薩乘已曾供養過去諸佛近惡
知識作惡業緣故墮畜生中五百馬中有一
大馬名曰日藏是大菩薩於過去人中已曾
勸五百小馬發菩提心爲欲度此五百馬故
現生馬中由大馬威德故令五百馬自識宿
命本所失心而今還得我愍彼五百菩薩隨
馬中者欲令得脫離於畜生是故如來知故

受請是時五百馬滅所食麥半分持施僧大
馬半分奉施如來爾時大馬爲五百馬以馬
音聲而爲說法示教悔過今當禮佛及比丘
僧說此事已復作是言汝等當以所食半分
供養於僧爾時五百馬悔過已於佛及僧生
淨信心過三月已其後不久是五百馬命終
生於兜術天上彼五百天子即從天來至於
佛所聞說法已必定得成阿耨菩提五百馬
子於將來世得辟支佛彼日藏大馬於當來
世復得作佛號曰善調如來雖食草木土塊
瓦礫大千界中無如是味爾時阿難心生憂
惱轉輪聖王種出家學道如下賤人食此馬

書

未盡五十九

十五

麥我於尔時見阿難心即與一粒麥語阿難
言汝嘗此麥味爲何如阿難嘗已生希有心
我生王家已來未曾得如是之味阿難食此
麥已七日七夜無飢渴想如來復知五百比
丘若食細食增益欲心若食麁食心則不爲
貪欲所覆彼諸比丘過三月已離婬欲心證

阿羅漢果善男子爲調伏五百度五百馬菩薩故如來以如來方便力受三月食馬麥緣非是業報

佛經苦行緣第十

興起行經云佛告舍利弗往昔波羅奈城邊去城不遠有多狩邑中有婆羅門爲王太史國中第一有其一子頭上有自然火鬚因以爲名火鬚面首端正有三十相梵志典籍舊書識記無事不博時有一毛師子名曰難提婆羅此云護喜與火鬚少小親交心相敬念須臾不忘毛師精進慈仁孝順父母俱盲供養二親無所乏短雖爲毛師手不掘地亦不使人掘唯取破牆崩岸鼠壞土等和以爲器成好無比若有男子女人欲來買者不爭價數不取金銀財帛唯取穀米供養而已迦葉如來所住精舍去邑不遠與大比丘衆二萬人俱皆是阿羅漢護喜語火鬚曰共見迦葉如來去乎火鬚答曰用見此禿頭道人爲直是禿頭人耳何有道哉如是至三後日復語

火鬚曰共至水上澡浴乎火鬚答曰可尔便共詣水澡浴著衣服已護喜舉右手遙指示曰如來精舍去是不遠可共暫見火鬚答曰何用見此禿頭道人爲何有佛道可得護喜便捉衣牽不去火鬚便脫衣捨走護喜遂後捉腰帶挽曰可暫共見佛便即還耶火鬚復解帶捨走曰我不欲見此禿頭沙門護喜便撮其頭牽曰爲一過見佛去來尔時國譁提人頭捉者皆斬火鬚驚怖竊心念曰此毛師子分死捉我頭此非小事必當有好事乃使此人分死相捉火鬚曰汝放我頭我隨子去護喜即放共詣佛所護喜禮如來足於一面

書

卷之九

十一

坐火鬚直舉手問訊已便坐護喜又手白迦葉佛言此火鬚者多狩邑中太史之子是我少子親友然其不識三尊不信三寶願出尊闡化愚冥使其信解火鬚童子熟視出尊從頭至足觀佛相好威容巍巍諸根純潔調和以三十二相嚴飾其體八十種好以爲媚儀

如婆羅樹華身猶須殊無能見頂面如滿月光如日明身色如金火麫見佛相好便心念曰我梵識記所載相好今佛盡有唯無二事一陰馬藏相二吐舌舐面於是說偈問曰所聞三十二大士之相好於此人中尊唯不覩二事豈有丈夫體猶如馬藏不

寧有廣長舌覆面舐頭不願爲吐舌示令我決孤疑我見乃當知如經所載於是如來便出廣長舌相以覆其面上及肉髻并覆兩耳七遇舐頭縮舌入口色光出照大千世界蔽日月明乃至阿迦膩吒天光還繞身七匝從頂上入以神足力現陰馬藏相令火麫獨見餘人不覩火麫童子具足見佛三十二相無一缺減踊躍歡喜不能自勝如來爲火麫說法止其三業令行菩薩行火麫即禮佛足長跪白言我今懺悔身不可行而行口不可言而言意不可念而念願出尊受我此懺從今已往不復敢犯如此至三迦葉

如來默然受之火麫童子護喜童子俱禮拜退後自尤責悔不早聞失於道利於是火麫童子說偈讚護喜曰仁爲我善友

法友無所貪導我以正道是友佛所譽於後二人投佛出家受具足戒佛語舍利弗余時火麫童子者則我身是火麫父者今我

父王真淨是余時瓦師童子護喜者我爲太子在宮居采女時至於夜半作旃天子來語我言日時已到可出家去爲導者是舍利弗此護喜者頻勸我出家是善知識也我前向護喜作惡語道迦葉佛禿頭沙門何有佛道可得以是惡言故臨成佛時六年苦行日食一麻一米大豆小豆雖受辛苦於法無益舍利弗我六年苦行者償先緣對畢已然後得佛佛語舍利弗汝觀如來衆惡已盡諸天人神一切衆生皆欲度之我猶不免宿對況復愚冥未得道者舍利弗當護身三口四意三當學如是佛說先世因緣時方一千天子得

須陀洹道八千龍等皆受五戒五千夜义受三自歸佛說是已舍利弗及五百羅漢阿耨大龍王八部鬼神歡喜受行頌曰思惟上哲溫被謀枉清濁難分善人愈綱幽顯冥知真偽鑒明自觀業對如空影響法苑珠林卷第五十九

法苑珠林卷第六十

書

大唐上都西明寺釋沙門道世字文愷撰

呪術篇第六十八此有七部

述意部 懺悔部 弥陀部 弥勒部

觀音部 痴罪部 雜呪部

述意部第一 夫神呪之爲用也拔矇昧之

信心啓正則之明慧裂重空之巨鄣滅積劫之深痼業既謝遣黑法潛形所以累聖式陳衆靈攸仰故波旬奉呪於白樹梵王顯儀於赤畿七佛揚道於時緣菩薩陳誠於法會廣羅經詰尤難備寫然陀羅尼者西梵天音東華人譯則云持也誦持善不失持惡不生據

斯以言弥輪一化依法施行功用立驗或碎石拔木或移痛滅痾隨聲發而苦除遂音颺而事舉或召集神鬼或駕御虬龍興雲布雨集福祐災感應不窮其來久矣

懺悔部第二 述曰夫呪是三世諸佛所說若能至心受持無不靈驗比見道俗雖有誦

持無多功效自無志誠謗言無徵或有文字訛替或有音韻不典或飲噉酒肉或雜食葷辛或觸手汙穢或浪談俗語或衣服不淨或處所不嚴致令鬼神得便翻受其殃若欲懺悔先立道場懸繒幡蓋燒衆名香四門護淨禁止雜人隨其出入每須澡浴多覓和香口內嘗舍至誠殷重自責己躬愧謝十方一切賢聖然後普為四生六趣心心相續剎那匪懈如是懇已定驗不疑故菩薩善戒經云菩薩爲破衆生種種惡故受持神呪故有五法不得爲一不食肉二不飲酒三不食五辛四不姪五不淨之家不在中食菩薩具足如是五